



Broj: 13-11-4-7455/25
Sarajevo, 16. 10. 2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU **o izboru najpovoljnijeg ponuđača**

I

Za najpovoljnijeg ponuđača za javnu nabavku usluga „Izrada investiciono-tehničke dokumentacije za uređenje pješačke staze od raskrsnice ulica Džemala Bijedića i Bulevar Meše Selimovića do zgrade MUP-a KS u ulici Zmaja od Bosne-Trasa I“, po provedenom postupku javne nabavke putem otvorenog postupka javne nabavke izabran je sljedeći ponuđač:

EDI ING d.o.o. Donji Vakuf
sa ukupnom cijenom od 9.126,00 KM
(devethiljadajednastotinadvadesetšest i 00/100 konvertibilnih maraka) sa PDV-om

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-7455/25 od 28.07.2025. godine.

Procijenjena vrijednost javne nabavke sa PDV-om je: 14.040,00 KM (slovima: četrnaesthiljadačetrest 00/100 konvertibilnih maraka).

Obavještenje o javnoj nabavci broj: 935-1-2-125-3-202/25 objavljeno je na Portalu javnih nabavki dana 14.08.2025. godine

Komisija za javnu nabavku roba, radova i usluga imenovana je Rješenjem Općinske načelnice broj: 01-11-4-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispijelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da je do dana 03.09.2025. godine, pristigla ponuda slijedećih ponuđača:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

Red. Br.	Naziv i sjedište ponuđača	Ukupna ponuđena cijena sa PDV-om
1.	EDI ING d.o.o. Donji Vakuf	9.126,00 KM
2.	TZI - INŽENJERING d.o.o. Sarajevo	12.226,50 KM
3.	GIBL d.o.o. Banja Luka	9.126,00 KM
4.	ROUTING d.o.o. Banja Luka	9.231,30 KM
5.	URBIS CENTAR d.o.o. Banja Luka	11.688,30 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuda ponuđača EDI ING d.o.o. Donji Vakuf, TZI - INŽENJERING d.o.o. Sarajevo i ROUTING d.o.o. Banja Luka su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponude ponuđača GIBL d.o.o. Banja Luka i URBIS CENTAR d.o.o. Banja Luka, Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. u svrhu ispunjavanja tehničke i profesionalne sposobnosti navodi se da ponuđači trebaju ispuniti sljedeći uslov:

„b) Da ponuđač ima u stalnom radnom odnosu sa punim radnim vremenom (ili će angažovati za potrebe realizacije ugovora) najmanje jednog diplomiranog inženjera arhitekture, sa položenim stručnim ispitom i najmanje jednog diplomiranog inženjera građevine saobraćajnog smjera sa položenim stručnim ispitom iz navedene oblasti, sa minimalno 5 (pet) godina radnog iskustva.

U svrhu dokazivanja ispunjenosti uslova iz tačke b) ponuđači su dužni dostaviti sljedeće:

DOKAZ ZA b): Izjava ponuđača (**Dokument 5**) da u stalnom radnom odnosu sa punim radnim vremenom ima (ili će angažovati za potrebe realizacije ugovora) najmanje jednog diplomiranog inženjera arhitekture, sa položenim stručnim ispitom i najmanje jednog diplomiranog inženjera građevine saobraćajnog smjera sa položenim stručnim ispitom iz navedene oblasti, sa minimalno 5 (pet) godina radnog iskustva.

NAPOMENA: Uz Izjavu ovjerene kopije diploma (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i ovjerene kopije uvjerenja o položenom stručnom ispitu za lica navedena u Izjavi (**Dokument 6 i 7**). “.

Uvidom u ponudu ponuđača GIBL d.o.o. Banja Luka utvrđeno je da za lica koje je navedno u Izjavi da će biti angažovano kao diplomirani inženjer građevine saobraćajnog smjera sa položenim stručnim ispitom iz navedene oblasti, ne posjeduje adekvatno uvjerenje o položenom stručnom ispitu. Na stranici 95 ponude dostavljeno je uvjerenje, za navedeno lice u sklopu Izjave, da posjeduje položeni stručni ispit iz struke građevinarstva – opšti odsjek niskogradnja, što je u suprotnosti od zahtjevanog tenderskom dokumentacijom, i to jer je iz dostavljenog dokaza vidljivo da se ne radi o oblasti koja je tražena u sklopu tenderske dokumentacije.

Također, uvidom u ponudu ponuđača URBIS CENTAR d.o.o. Banja Luka utvrđeno je da za lica koje je navedno u Izjavi da će biti angažovano kao diplomirani inženjer građevine saobraćajnog smjera sa položenim

stručnim ispitom iz navedene oblasti, ne posjeduje adekvatno uvjerenje o položenom stručnom ispitu. Na stranici 61 ponude dostavljeno je uvjerenje, za navedeno lice u sklopu Izjave, da posjeduje položeni stručni ispit iz struke građevinarstva – opšti odsjek niskogradnja, što je u suprotnosti od zahtjevanog tenderskom dokumentacijom, i to jer je iz dostavljenog dokaza vidljivo da se ne radi o oblasti koja je tražena u sklopu tenderske dokumentacije.

Iz naprijed navedenog razloga, ponude ponuđača GIBL d.o.o. Banja Luka i URBIS CENTAR d.o.o. Banja Luka se nisu mogle uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	EDI ING d.o.o. Donji Vakuf	9.126,00 KM
2.	ROUTING d.o.o. Banja Luka	9.231,30 KM
3.	TZI - INŽENJERING d.o.o. Sarajevo	12.226,50 KM

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču EDI ING d.o.o. Donji Vakuf dodijeli Ugovor na 1 godinu, čija ponuda je ocijenjena kao najpovoljnija, na osnovu kriterija najniže cijena, u ukupnom iznosu ponude od 9.126,00 KM (devethiljadajednastotinadvadesetšest i 00/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

OPĆINSKA NAČELNICA
Prof. dr. Benjamina Karić

